



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

V. Papst Nicolaus IV. bestätigt dem Orden der Templer die ihm von dem Markgrafen Otto dem Langen geschenkten Orte Zielenzig, Langenfeld und andere, am 13. Januar 1289.

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

Virginis Matris sue, eisdem sancte domus templi et fratribus ejusdem ordinis donamus oppidum Sulenzec, villas Langenvelde, Brefin, Richenowe, Bucholt et Lubune cum omnibus attinentiis, agris, lignis, aquis, pascuis, molendinis atque pratis et aliis redditibus universis, cum omni usu ac utilitate, cum Advocatia et omni Dominio atque jure, cum libera et omnimoda proprietate sine omni petitione exactoria et prorsus absque omni gravamine perpetuo possidendas et sibi utiles faciendas. Adjecimus quoque, quod oppidum Sulenzec et habitatores in illo in perpetuum obtineant suum forum et quod eadem sancta Domus templi et fratres ordinis ejusdem jus patronatus ecclesiarum in Sulenzec et villis habeant predictis, perpetuis temporibus pacifice et quiete. Cedimus omni jure ac dominio, que usque modo habuimus in predictis. In horum preditorum omnium protestationem lucidam et certitudinem evidentem, ne quoque nostris heredibus aut aliis quibuscunque dubietas occasionem generet malignandi, et ut nostra donatio secundum, quod superius est expressum, perpetuo inviolabilis perseveret, presentem paginam inde scribi fecimus et de certa nostra conscientia jussimus roborari nostrorum sigillorum appensione. Testibus, qui presentes aderant, infra scriptis Domino Gernoldo Preposito de Salzwedele, fratre Johanne de Belitz de clauastro Lenin, Domino Rudolpho de Anhalt, Domino Ottone et Domino Theodorico Sparren, Domino Conrado de Winninghe, Domino Hermannno Botel et Domino Ludekino de Bornem et multis aliis fidedignis. Datum in Quarzano, anno M. CC. LXXXVI., VI. Cal. Novembris.

Gundling'sche Sammlung mspt. — Gercken's Fragm. V, 10. 11.

V. Papsi Nicolaus IV. bestätigt dem Orden der Tempier die ihm von dem Markgrafen Otto dem Langen geschenkten Orte Zielenzig, Langenfeld und andere, am 13. Januar 1289.

Nicolaus, episcopus, servus servorum dei, Dilectis filiis preceptor et fratribus domus militie Templi Jerosolimitani in Alamania et Sclavia salutem et apostolicam benedictionem. Cum a nobis petitur, quod justum est et honestum, tam vigor equitatis quam ordo exigit rationis, ut id per sollicitudinem officii nostri ad debitum perducatur effectum. Sane petitio vestra nobis exhibita continebat, quod nobilis vir Otto longus, marchio Brandenburgensis, cupiens terrena pro celestibus et transitoria pro eternis salubriter commutare, forensam villam Sulenzhit et Langenvelde et quasdam alias villas, terras et possessiones tunc ad ipsam spectantes pia et provida liberalitate donavit, prout in patentibus litteris inde confectis, ipsius nobilis sigillo munitis, plenius dicitur contineri. Nos itaque uestris supplicationibus inclinati, quod super hoc pie ac provide factum est, ratum et firmum habentes, id auctoritate apostolica confirmamus et presentis scripti patrocinio communimus. Nulli ergo omnino hominum liceat hanc paginam nostre confirmationis infringere vel ei ausu temerario contraire. Siquis autem hoc attemptare presumpserit, indignationem omnipotentis dei et beatorum Petri et Pauli apostolorum ejus se noverit, incursum. Datum Rome, apud sanctam Mariam majorem, Idus Januarii, Pontificatus nostri Anno primo.

Aus L. v. Rebeur's Allg. Archiv XVI, 305.